

„Wäntele“ Info !



Ussgoob 03 / 2012

Adie zämme

S Wäntele Joor 2012 isch non em Zumpftässe z Änd gange. Mr hänn geegeniiber vom letschte Joor e rueig Joor ghaa.

Dr Ruggblig isch jo scho in dr Ussgoob 02 / 2012 vo dr „Wäntele“ – Infol gmacht worde, doorum verzichte mr doo, noonemool s glyyche z verzelle.

Uss em Zumpftroot

Noo dr GV vom 24. Oggdoober 2012 im Rääbhuus, isch dr Zumpftroot, wo jo wiider gwäält worden isch und esoo ussgseet:

Fred Wagner, Maischter
André Stohler, Statthalter + Dambuurmaioor
Doris Rohner, Seggelmaischtere
Esther Trachsel, Schryybere
Doris Walser, Goschdymverwaltere
Stephie Wagner, Raiseorganisatioone + Webmasterin
Marcel Wegmann, Marketing, Wärbig, Ussebezeihige, Kandidaatebetreug

zämme gsässe und het iiber d Voorwirrf vo de Mitgliider dischbediert und no Leesige gsuecht.

Ai Voorwuurf het dr Schryyber vo dääre „Wäntele“ – Infol nit ganz verstande:

me sott mee informiere!

Mit den Ussgoobe vo dr „Wäntele“ – Infol het dr Zumpftroot versuecht, wiider en Informatioonsmittel z schaffe, wo alli relevante Informatioone an d Wäntele Mitgliider wytergää wärde. Die erschte „Wäntele“ – Infol sinn no per Mail an Alli verschiggt worde. Mit dr neije Internetsyte het mr drnoo entscheide, en intärne Beryych z mache, wo nuur d Wäntele Mitgliider kenne go bschauen und wo alli wichtigen Informatioone dinne sinn: so zem Byspiil ebbe d „Wäntele“ – Infol ooder d Mitgliiderlischte mit de Gebuursdääg ooder d Uffgebott fir en Aaloss!

Me muess sich halt au e weeneli Mie nää und uff www.waentele.ch goo gon ummesörfe und dr intäärn Beryych go go bsueche. Mit weenig Uffwand und Muusgligg's het me d Informatioone, wo me bruucht ooder will! S git mänggmool au e Hoolschuld und nit nummen e Bringschuld!!

Mr dien nit en Internetsyte bedryybe, wo Gäld koscht het und fir d Webmastere ejeedes Mool en Uffwand bedyttet und niemerst goot go yyneluege. Daas isch fruschrierend und s bättle versuumt. Doo muess me sich schon emool Gedangge mache, eb men esoon en Internetsyte no wyter bedryybe soll!!

Und zuedämm gits au non e Facebook Syte, wo au non e baar Informatioone dinne sinn und men e huffe Föteli kaa bschauen: <http://www.facebook.com/waentele>

Dr Verfasser vo dr „Wäntele“ – Infol maint, ass dr Zumpftroot guet und umfassend informiere duet. Ass es mänggmool Sache git, wo nit uss em Voorstand uuse sott, isch au verständlig und sott akzeptiert wärde.

Dass aaber d Kirchen im Dorf blybt, duet dr Schryber vo de „Wäntele“ – Info! in Zuekumpft an alli Wäntele e Link per Mail verschigge, ass men ooni groossen Uffwand dirägg uff d d „Wäntele“ – Info! kunnt.

Und no ebbis: die wo nit iiber en Email ooder iiber en Internet verfige ooder d Passivmitgliider wo kai Zuegang zer intärne Syte hänn, bikemme d „Wäntele“ – Info! per Boscht zuegstellt!

Aktuell

Dr Zumpftroot het sich friezytig fir en Anngaschement in Nördlinge / DE yygsetzt, het aaber letschti Wuche daas Mail vo den Organisatoore bikoo:

Sehr geehrter Herr Wegmann,

auch wir erinnern uns gerne an die Teilnahme der Basler Källerwäntele Zunft an unserem Stadtmauerfest 2007.

In Ihrer Mail fragen Sie nach der Möglichkeit einer Teilnahme am Fest vom 6. bis 8. September 2013.

Zwei Probleme sind dabei zu überwinden. Zum einen ist Nördlingen für die Tage des Festes schon komplett ausgebucht. Eine Unterbringung der Mitglieder der Källerwäntele Zunft wäre sicherlich schwierig und nur außerhalb Nördlingens, wenn überhaupt noch, möglich.

Des Weiteren wurde unser Budget, das uns für das Fest zur Verfügung steht, doch erheblich zusammengestrichen. Wir könnten Ihnen daher lediglich einen Zuschuss zu den Buskosten von, sagen wir einmal ca. 800,00 €, zahlen. Die anderen Kosten, leider auch die der Übernachtung, müssten Sie selbst übernehmen. Selbstverständlich wären auch noch Verpflegungsgutscheine etc. möglich.

Gerne höre ich hierzu Ihre Meinung und bitte Sie um Verständnis.

Mit freundlichen Grüßen

Peter Schiele

*Große Kreisstadt Nördlingen
Hauptverwaltung
Marktplatz 1 - 86720 Nördlingen*

Noo dämm fascht e weeneli negative Bscheid vo Nördlinge, hänn mr is entscheide, uss folgende Grind d Wäntele fir s 2013 nit aazmäld:

1. Unsicherhaitsfaktor wääge dr libernachtig!
2. Schlächti Erfaarige, wenn men usserhalb vonere Stadt und vom Fescht iibernachte muess!
3. D Raise- und libernachtigskeschte fir ejeede vo uns kennte 500 Frangge logger iberschryyte!

Dr Marcel het aaber drnoo faadegraad s Inträsse vo de Wäntele fir s 2016 aagmäldet, doo jo daas Stadtmuurefescht nur all 3 Joor stattfinde duet. Mr hoffe, ass im 2016 s Europegebilde nit zämme gheit isch, und unsere Noochber vom groosse Kanton no gniegend Gäld het, um e soone Stadtmuurefescht no kenne z organisiere!

Ussicht

Wie mr scho in dr „Wäntele“ – Infol Ussgoob 02/2012 gschriibe hänn, dien mr is zuekimpftig fir mindeschtens 4 Anngaschements bewärbe. S laufe fir s nэгgscht Joor folgendi Bewärbige:

1. **Drummlle Bummle** vom **12. Abbrille 2013** (daas wird sicher definitiv syy!!) **
 2. **Ballebärg** am **2. Juni 2013** (uff Yylaadig vo dr Drachtegrubbe, won is an dr Basel Tattoo Parade biglaltet hänn) **
 3. **Basel Tattoo Parade** vom **27. Juli 2013**
 4. **Tag der Stadttore** vom **17. Augschte 2013** **
 5. **Canstatter Volksfest** vom **29. Sebдämbler 2013** (ebbe glyych wie s Oggdooberfescht in Minche, aaber aifach e weeneli glainer)
 6. **S Winzerfescht in Döttinge** vom **6. Oggdoober 2013** **
- ** die Daate darf men emool in Kaländer yneschryybe, die sinn definitiv (wenn nit ebbis gravierend wurd passiere)!
 - Fir die andere Aalöss hänn mr no kai Bscheid bikoo, ass mr derfe mitmache!!

Dr nääbe het dr Marcel no Biwärbige an folgendi Institutioone verschiggt:

- Basler Zimpft + Voorstadtgsellschafte, wo kai aiges Spiil hänn.
- Talzimpft vo Basel Land.
- Staatskanzlei Basel Stadt wääge dr libergoob vom Basler Staatswyy (doo het dr Marcel e Brief vo dr Stadtschryybere Barbara Schүpbach bikoo. S kennt no meeglig syy, ass mr s nэгgscht Joor – aafangs Juni – drbyy kennte syy!)

Soodeli, daas wars fir s 2012. Sott in dr Zwischezyt irgend vo naime häär e Informatioon koo, wo fir alli wichtig isch, wäärde mr daas per Mail mitdaile.

Dr Zumpftroot wintscht allne „Wäntele“ freeligi Feschtdääg und e guete Rutsch ins neije Joor

Adie zämme, händs Guet und bis zem nэгgschte Mool

dr Zumpftroot vo de Basler Källerwäntele Zumpft



28.11.2012